



東華錄卷六

湘源蔣良驥千之父

順治十八年正月遺詔命內大臣索尼、蘇克薩哈、遏必隆、鰲拜為輔臣，保翊冲主佐理政務。七日丁巳夜子刻，上崩於養心殿。

聖祖合天弘運、文武睿哲、恭儉寬裕、孝敬誠信、中和功德大成。仁皇帝諱，上字从玄，从公。

下字从火从華。章皇帝第三子也。

母孝康慈和莊懿恭溫惠溫穆崇天育聖章
皇后佟氏。一等公謚勤讓佟圖賴女。年十五
誕上于景仁宮。乃順治十一年甲午三月十八
日巳時也。先是

孝康衣裾若有龍統。

太皇太后謂近侍曰。朕曩奉皇帝時。左右嘗

見裾袖間有龍盤旋赤色燦爛後果生聖子
今妃亦有此祥徵至誕辰合宮異香經時不
散又五色光氣充溢庭戶與日並耀

上天表奇偉神采煥發雙瞳日懸隆準岳立
耳大聲洪洵齊天縱稍長舉止端肅志量恢
宏語出至誠切中事理讀書十行俱下畧不
遺忘自五齡後好學不倦六齡時

世祖問其志待長而效法

皇父八齡踐祚後

太皇太后問何欲曰惟願天下乂安生民樂
業共享太平之福而已順治十八年正月丁
巳七日夜子刻章皇帝賓天先五日壬子不
豫丙辰遂大漸召學士麻勒吉王熙至養心
殿定

上御名立為皇太子令草遺詔命大臣索尼
蘇克薩哈遏必隆鰲拜輔政四臣警告于
天

大行皇帝神位前 初九日己未

上即皇帝位以明年為康熙元年赦天下

甲子王以下及大官員臣齊集正大光明殿誓

告於

天

大行皇帝神位前上

大行皇帝尊謚曰體天隆運英睿欽文大德

弘功至仁純孝章皇帝廟號世祖 二月壬

午移梓宮景山壽皇殿 添設六科滿洲官

各二員 三月添設五城滿御史一員

每城二員

四月以都統三等伯線國安鎮守廣西

吏部尚書伊圖等題為本年三月奉旨部院
官員罰土黑勒威勒者不論有前程與白身
應照職任處罰或任大罰小或任小照前程
罰多似屬不均爾等照依職任大小分別議
奏欽此臣等謹遵旨議得凡部院尚書有一
品二品者侍郎有二品三品者即中有三品
四品五品者員外郎有四品五品者主事有

四品五品六品者其品級先後所定之例雖
異俱因除授部院之職支俸為部院事務罰
土黑勒威勒俱各照職俸每十兩罰一兩若
此內除部院職任之外有大任大前程者除
大任大前程之俸亦照依部院職任按俸罰
處可也奉旨依議紅本五月奉天府尹張尚
賢言盛京形勢自興京至山海關東西千餘里

開原至金州南北亦千餘里。又有河東河西
之分。以外而言。河東北越開原。由西南至黃
泥窪。牛莊。乃明季昔日邊防。自牛莊由三岔
河南至蓋州。復州。金州。旅順。轉而東至紅嘴。
歸復黃骨島。鳳凰城。鎮江。鴨綠江口。皆明季
海防。此河東邊海之大畧也。河西自山海關
以東。至中前所。前衛。後所。沙河。寧遠。連山。塔

山杏山松山錦州大凌河北面皆邊南面皆海
所謂一條邊耳獨廣寧一城南至閭陽驛拾
三山站右屯衛海口相去百餘里北至我朝
新棟之邊相去數十里東自盤山驛高平沙
嶺以至三岔河之馬圈此河西邊海之大畧
也合河東河西之邊海以觀之黃沙滿目一
望荒涼倘奸賊暴發海寇突至外此患之可

慮者。以內而言。河東城堡雖多。皆成荒土。獨
奉天。遼陽。海城。三處。稍成府縣之規。而遼海
兩處。仍無城池。如蓋州。鳳凰。金州。不過數百
人。鉄嶺。撫順。惟有流徙諸人。不能耕種。又無
生聚。此河東腹裏之大畧也。河西城堡更多。
人民希少。獨寧遠。錦州。廣寧。人民湊集。僅有
佐領一員。此河西腹裏之大畧也。合河東河

西之腹裏觀之。荒城廢堡。沃野千里。有土無
人。此內憂之甚者。欲弭外患。必當籌畫隄防。
欲消內憂。必當究寔根本。以圖久遠之策。下
部議。逆渠鄧耀竊踞廣東。廉州之龍門。至
是官兵擊擒之。諭工部。朝房尚未全脩。未
肅觀瞻。兩旁空地。看俱蓋造。七月。加
太祖尊謚為二十字。

太宗尊謚為十八字。

復內三院。

秘書國史宏文舊

制設滿漢大學士等。照尚書侍郎品級。其內

閣翰林院名色俱停罷。罷進士觀政條。

川陝督李國英報擒逆賊郝承裔。閏七月。

海澄公黃柏招撫鄭之龍屬下偽都督萬儀。

萬祿等投誠。九月吏部遵旨詳查。

太祖

太宗滿洲守制舊例吏禮二部并無舊冊可
查惟順治十年二月禮部覆御史陳啟泰請
行通制一疏奉有三年喪禮著照會典舊例
遵行有難拘常制者請旨定奪又順治十年
六月臣部題湍洲蒙古漢軍各官不便離任
丁憂奉有依議之旨遵行已久今議得在京
部院湍洲蒙古漢軍大小文官仍應照定例

守制一月服滿即出理事私居持服盡三年
喪禮外其奉差出兵文官以回京聞喪之日
為始亦照定例遵行至各省駐防及在外出
任漢軍文官伊父母在任病故者仍應照例遵
行父母在京病故者准其解任回京以到日
為始守制半年仍私居持服盡三年喪禮所
遺原員缺相應另補從之十月吏部題直

隸已設總督其順天保定兩巡撫應裁去一
員得旨順天巡撫著裁去鄭之龍并其子
鄭世恩世蔭等照謀叛律族誅尊

皇祖妃為壽康太妃

登州于七

名小喜本
捕快踞據

齒牙
山版

作亂焚劫八邑命都統濟世哈為靖東

將軍征剿將各旗兵馬分駐登萊膠三處防

範海汎并緝于逆

紅本

康熙元年二月吳三桂愛星阿秦奉命征緬
兩路進兵於順治十八年十一月會師木邦
偽晉王李定國奔景線偽鞏昌王白文選遁
據西波江官兵造筏將渡文選復奔茶山遣
總兵馬寧等追及於孟養文選降三桂愛星
阿自趨緬城十二月初一日大軍至緬城緬
酋執朱由榔獻軍前殺偽華亭侯王惟恭等

一百餘人。滇南平。三月。諭兵部。向來綠旗
武官。叙功加至左都督。仍應加級者。授宮保
銜。以後改授職。尊。

世祖章皇帝陵曰孝陵。四月。加上

太祖武皇帝謚曰承天廣運聖德神功肇紀
立極仁孝睿武弘文定業高皇帝。加

孝慈武皇后尊謚曰孝慈昭憲敬順慶顯承

天輔聖高皇后

太宗尊諡曰應天興國弘德彰武寬溫仁聖
睿孝隆道顯功文皇帝 四川總督李國英
報擒偽石泉王朱奉鎰恢復兩郡 五月都
統濟席哈蕩平山東賊寇班師 總兵許龍
擒海寇鄭成功之弟鄭成賜於廈門 六月
耿繼茂報海逆鄭成功因其子鄭錦為各偽

鎮擁立。愆怒發狂。于五月初八日。咬指身死。

十月尊上

聖祖母皇太后曰。昭聖慈壽恭簡安懿章慶
敦惠太皇太后。

母后皇后曰。仁憲皇太后。

母后曰。慈和皇太后。頒恩詔。定西將軍內

大臣公。愛星阿。平定雲南凱旋。雲撫袁懋

功疏報。偽晉王李定國逃奔景線。染病身死。

十一月。授偽鞏昌王白文選為承恩公。

十二月。河南提督許天寵言。各府州縣當設公衙門。命文武各官五日一會。兵民有不便者。有司武將面諭議。兵部議從之。諭貴州一切文武官員。兵民事務俱照雲南例。著平

西王管理。

康熙二年二月湖廣提督董學禮疏報前奉
命會剿湖廣西山巨寇李來亨馬騰霄党守
素等随同總兵穆生輝于大海高守貴鑿山
開道進至李家店擒偽總兵宋段斬獲無算
賊焚剿^巢遁又別將恢復歸州巴東巫山等處
陝督奏提臣王一正率總兵于奮起鮑敬達
剿逆賊郝搖旂於房縣橫水偽^敗軍門羅公

十一日庚戌亥刻。

慈和皇太后崩。兵部議准。將雲貴二省總督。巡撫勅書。換入聽平西王節制字。三月。命廣東總督移駐廣州府。川督報。偽岐侯賀珍子。偽富平伯賀道寧。納款。四川總督報。提督董學禮。同各鎮大破李來亨於長坪。六月。兵部覆^議李定國子李嗣興。從邊外投。

誠得旨授都統品級

八月禮部議覆鄉會

考試停止八股文頭場策五篇二場四書本

經論各一篇表一篇判五道以甲辰科為始

從之

以流賊餘孽郝搖旗劉體純李來亨

等竄伏鄭襄山中命都統穆里瑪為靖西將

軍都統圖海為定西將軍同都統宗室穆琛

護軍統領孫達里都統覺羅巴爾布護軍統

領科爾坤率大兵往剿。九月命都統噶褚
哈為鎮西將軍同副都統光泰統滿兵鎮守
西安。以西安將軍傅喀禪征西山故也。

十月川督李國英報巨寇劉二虎李來亨郝
搖旗袁宗第黨守素塔天寶馬騰霄七家出
犯巫山。乞發大兵剿滅。福督李率泰奏官
兵會剿。延賊首王鉄佛等擒之。又疏報提

督施琅遣守備汪明等敗海寇於海門斬偽

副將林維等十一月刑部議覆原任按察

使宋琬通同_于七謀反一事旨宋琬等原無

通賊情節着免罪十二月耿繼茂李率泰

奏十月_臣等統兵渡海攻克廈門賊眾驚潰

登州提督施琅會荷蘭國夾板船邀擊之斬
千餘級乘勝取浯嶼金門二島鄭錦周全斌

等遁。耿繼茂奏十月，總兵王進功敗海寇。

于雲霄鎮。

康熙三年正月，川督李國英報西安將軍傅喀禪副都統杜敏會同提督進剿蜀中巨寇。於康熙二年十二月廿三日，師次陳家坡，奮勇剿殺賊遁入天池塞。杜敏等統兵進剿，劉二虎勢窮自縊。郝搖旗、袁宗第夜遁。杜敏等

復追至黃草坪大敗賊衆擒郝搖旗袁宗第
並偽王朱宗瀚等吳三桂疏奏進剿廣西

隴納生寇擒妖人阿中送寨悉平二月耿

繼茂疏報官兵攻克長腰東蚶二島偽兵部

院春雷逆渠張煌言僅以身免西山巨逆

馬騰霄党守素塔天寶歸誠三月吏部奉

上諭議大學士缺以各部尚書左都御史推

補如不用。以各部侍郎學士推補。各部尚書
缺。照衙門次序。以尚書左都御史轉補。如不
用。以各部侍郎推補。吏部缺。以各部侍郎轉
各部侍郎缺。以學士左副都通政使大理卿
宗丞推。如不用。以府尹太常卿推。左副都缺
以通政使大理卿宗丞推。如不用。以府尹太
常卿推。如不用。以光祿卿推。如不用。以左通
政

推通政使大理卿^缺以府尹太常卿推如不用

以光祿卿推如不用以侍讀學士左右通大

理少照考語俸次推府尹太常卿缺以光祿

卿推如不用以左右通大理少推如不用以

太常少鴻臚太僕少督捕理事官照考語俸

次推光祿卿缺以左右通理少推如不用以

常少僕少鴻臚卿督捕理事官照考語俸次

推其小四品京堂缺將每年內陞京堂四員
用完後用五品京堂一員再用內陞司道一
員得旨學士既推侍郎以後大學士缺傳其
推用餘依議 四月定例公以下副都統以
上出征臨陣接戰時墜馬人有以馬與騎者
獎賚銀一百兩叅領以下銀六十兩平人銀
二十兩康熙七年八月兵部尚書噶楚哈龔

鼎孳等議覆崇德年間例副都統以上衣服
一襲馬一匹叅領佐領馬一匹白身給牛一
頭奉旨

太宗時因馬牛價貴獎勵以馬與墜落之人
騎者定有給衣服馬牛之例今馬牛價值甚
賤如仍照舊例屬輕著照現行例行

紅本

五

月耿繼茂疏報三月初六日與督臣李率奏

提臣王進功、海澄公黃梧等領兵至。先後至
八尺門。偽將軍翁求多率兵民六萬降。十四
夜半渡海進拔銅山。降偽侯黃廷。偽都督余
寬等兵民三萬餘口。鄭錦遁走臺灣。命廣

西總督自梧州移駐省城。七月以福建提

督水師總兵官施琅為靖海將軍往剿鄭錦。

八月浙督趙廷臣疏逆渠張煌言盤踞浙

海多年抗不就撫借名歸正徜徉海外臣密
令將脩徐元張公午扮成僧民獲活口林生
陳滿等知煌言見在懸山范畧即駕所獲賊
艘乘夜進一小港從山後覓路突入帳房遂
擒煌言及其親信餘黨搜出偽視師兵部銀
方印一顆偽關防九顆湖廣督張長庚疏
李來亨擁衆茅麓山最為峻險靖西將軍穆

里瑪定西將軍圖海等率禁旅與三省兵合
剿晝夜環攻來亨窮迫自縊舉火焚巢餘党
蕩平十月彗星見翼宿度指西北方先
是給事中楊鼎勅奏康熙二年順天鄉試春
秋題目邾人悞邾子將考試官白乃貞詹瞻
沈同考官羅繼謨草職尋命將貼出馬子三
人覆試俱不合式不錄八旗都統以下武

職各官鎮守省城武將軍以下武職各官順
治年間俱由吏部題補康熙三年歸併兵部

紅本

十一月穆里瑪等班師彗星犯井

宿丙午彗犯胃宿尾指東北十二月壬

戌彗在奎宿度形漸小給事中楊雍建言

本年十月初旬彗星見今五十餘日歷一十

三宿竊念上天垂象示警乞力圖省修廣求

直言無難轉災為福得旨楊雍正直言可嘉
今惟力圖修省以合天心甲戌金星生白
氣長三丈康熙四年二月吳三桂奏總兵李
世耀等子三年十一月自烏蒙進征水西大
破之於波羅箐追至法地擒安坤已巳彗
星見女度三桂報官兵進克烏撒土酋安
重聖安重乾就擒暹羅國王森列拍獵

照古龍柏臘馬嘯陸坤司由提牙菩埃遣陪
臣航海具表進貢一酉彗在壁一度三十
分尾長五尺餘求直言三月戊子午刻京
師地震有聲己丑彗星行入奎宿下詔肆
赦辛卯金星晝見密諭尚可喜嚴東所
屬官兵以廣東人民為王下兵丁擾害甚苦
失其生理也復科場經書策論三場舊制

從侍郎黃機言也。六月，吳三桂言，迤東土

酋王耀祖等，本年三月，竊據新興，僭號大慶，謀犯省城，分遣賊黨，攻陷各府縣。總督卞三元等，分兵剿捕。四月初七日，擒耀祖。各州縣俱恢復。八月，庚申，廣東陽江縣地震，有聲。

九月，甲申，山西太原府地震。九月初八

日，辛卯，上大婚禮成。皇后何舍里氏，內大臣

噶布喇女

九月二十五日加上

太皇太后徽號曰昭聖慈壽恭簡安懿章慶

敦惠溫莊

加二字太皇太后

皇太后徽號曰仁憲恪順

加二字皇太后

恩款五條十月丁丑戌時湖廣常德府地震

有聲

十二月兩江督卽廷佐報溧陽縣民

獲玉璽篆文人心惟危至允執厥中十六字

命貯內庫賞獲壘人顧起龍等各銀五十兩

康熙五年六月添設六科滿漢給事中各一員八月給事中張惟赤請擇吉親政報聞十一月先是睿親王將鑲黃應得之地給與正白旗而給鑲黃旗地於右翼之末二十餘年旂民安業及鑲黃旗鰲拜與正白旗蘇

克薩哈同輔政有隙。鰲拜故立意更換。命大學士、蘓納海、侍郎雷虎會同巡撫王登聯、總督朱昌祚酌議圈換。至是昌祚登聯言：「圈地不便，旗民交困，請停止。」輔臣稱旨，將蘓納海、昌祚、登聯皆拿禁。十二月，刑部議蘓納海撥地遲悞。朱昌祚、王登聯紛更妄奏，應鞭一百，籍家產。

上詔輔臣詢問蘓克薩哈不對鰲拜索尼過
必隆堅奏應置重典

上未允鰲拜出稱旨蘓納海朱昌祚王登聯
情罪重大著即處斬絞籍家產

康熙六年正月定王貝勒等執事人役衣服
俱用綠色二月吳三桂報官兵進剿烏撒
生擒女酋隴氏及逆黨萬餘四月江南奸

吳竝似應
是吳姓

民沈天甫、呂中、夏麟竒等撰逆詩二卷，詭稱黃尊素竒等百七十人作陳濟生編集。故明大學士吳竝等六人為之序。沈天甫使夏麟竒詣吳竝之子中書吳元菜所，詐索財物。元菜察其書非父手蹟，控於巡城御史以聞。下所司鞫訊。沈天甫等皆棄市。其被誣者悉不問。刑部議覆御史田六善疏言：「近見奸民捏」

詞詐害在南方、不曰通海、則曰逆書、在北方、
不曰于七賊黨、則曰逃人、謂非此、不足以上、
聳天聽、下怖小民、請飭督撫、即與審理、情寔
者、據寔奏聞、情虛者、依律反坐、如不候督撫
審結、徑來叩關者、依光棍例治罪、查定例、不
俟原問官審結、徑行叩關者、旗人枷號兩月、
鞭一百、民責四十板、流三千里、從之、五月

丙午諭吏部等衙門民為邦本必使家給人足安生樂業方可稱太平之治近聞直隸各省民多失所疾苦顛連深可憫念或係官吏貪酷朘削窮黎抑或法制未便致民生業果何道以遂其耶生一切民生利病應行應革爾內外各衙門大小文武等官念切民依其各抒所見毋隱吏部覆御史李棠奏例監考

補中書三年後即陞部選進士舉人乃遲至
十年之久始得官職應行停止將各科進士
咨取考試得旨各科進士不必拘年分前後
人數如有願考者預行選取堪用者遇缺即
補七月上躬親大政御太和殿羣臣表賀
宣詔天下恩款十七條太子太保內大臣
蘓克薩哈奏守求陵輔臣等稱旨蘓克薩哈

不識有何逼迫之處著王大臣議奏未幾兄
議將伊子孫并本旂兄弟俱拿問既而議上
蘓克薩哈二十四罪俱寔應凌剝處死上
不允鰲拜強奏累日竟坐處絞其子查克旦
凌剝處死叔弟侄皆斬決奉

世祖章皇帝

太祖

太宗配享園立方澤著於冬至舉行九月
雲貴總督卞三元提舉張國柱李本深合詞
請吳三桂仍總管滇鎮事務得旨該藩以精
力日減奏請故先行若令王復理事務恐其
過勞以致精神大損如邊疆軍機首應料理
十月己卯奉天府並德縣地震有聲十
一月加上

太皇太后徽號曰康和

皇太后曰誠

頒恩天下以

世祖配天禮成也

康熙七年四月癸巳申刻金星見午位色微

暗下詔修省

五月癸丑子時京師地震

初七

初九十三日
未未皆震

六月山東地震

癸酉金星

畫見

七月命鄉會試復以八股文取士

革職漕督恭順侯吳惟華密疏請徵各州縣
鎮市房號銀兩及江南三十餘洲令民納價
領種

上惡其害民斂財交刑部議罪八月命都

統內大臣大學士尚書精奇尼哈番以上各
照寔級以棍傘行走護軍統領前鋒統領副

都統侍郎各照職掌品級用執事行走九

月庚子金星晝見

十二月治理歷法南懷

仁劾奏欽天監副吳明烜所造康熙八年七

政民歷內閏十二月應是九年正月又一年

兩春分兩秋分種種差誤旨會議具奏

康熙八年二月議政王等會議前命大臣二

十員赴觀象臺測驗南懷仁逐款皆符吳明

烜逐款皆錯。南懷仁推算九十六刻之法。既
合天象。應自九年始。將歷日推行。三月授
西洋人南懷仁為欽天監監副。以節氣占候
符也。^台四月丁丑。幸太學。五月。拿問輔臣
公鰲拜。遏必隆。阿南達等。康親王傑書等。
勘問鰲拜罪款三十。遏必隆罪款十二。班布
爾善罪款二十一。鰲拜侄塞木得罪六。得旨。

鰲拜革職籍沒拘禁過必隆免罪卓太師及

公爵阿南達免死宗室班布爾善絞塞木得

立斬阿思哈噶褚哈穆里瑪泰璧圖訥莫俱

立斬餘各從輕治罪有差給還蘓克薩哈

等原官及白爾黑圖等官職六月禮科給

事中吳國龍奏今日百姓誠有如

上諭財盡力窮日不聊生矣但疾苦固多端

而催科較甚。拯救鮮良法。而除豁為恩。請自
康熙八年以前。軍民尾欠錢糧。盡行蠲免。以
豁窮黎。尋部議。查順治十八年以前。拖欠錢
糧。于康熙四年。盡行蠲免。而康熙元年以後。
拖欠錢糧。若再行蠲免。恐不肖有司。知其頻
蠲。將已徵在官者。作為拖欠。希圖倖免。難以
議蠲。旨依議。又左都御史馮溥。請收夏稅。

定於六月秋糧定於十月刑部侍郎王清請
徵糧之期限於五六月完五分九十月完五
分戶部尚書郝惟訥侍郎艾元徵嚴正矩請
夏稅定於五六月秋糧定於九十月徵收兵
部尚書王宏祚言本年存剩之銀可撥次年
春季之餉請少寬徵糧日期云尋戶部議
未便准從旨這錢糧夏秋徵收本當允行但

國用尚在不敷。俟錢糧充足時，戶部奏請舉行。又御史趙璟遵旨條奏。查順治四年所定官員經費，銀錄內各官俸薪紅等項，比今俸銀數倍之多。猶為不足。一旦裁減，至總督每年支俸一百五十兩，巡撫一百三十兩，知州八十兩，知縣四十五兩。且以知縣論，每月支俸三兩零。一家一日粗食安飽，兼喂馬匹。

亦得費銀五六錢一月俸不足五六日之費
尚有二十餘日將忍飢不食乎不取之百姓
勢必飢寒若督撫勢必取之下屬所以禁貪
而愈貪也夫初任不得已畧貪小賍以足日
用及日久多賍自知罪重莫贖反恣大貪下
官行賄以塞上司之口上司受賄以庇_下之官
之貪打成一片臣以為俸祿不增貪風不息

下情不達。廉吏難安。請勅查取原定經費錄銀額設款項。從長會議。或將本省應徵稅銀與折納贖銀加增官員俸祿。旨該部知道。諭戶部。朕纘承丕基。入安天下。滿漢軍民原無異視。比年以來。復將民間房屋圈給旗下。以致民生失業。深為可憫。自後圈占民間房地永行停止。其今年所已圈者。悉令給還。七

月昭雪蘓紉海朱昌祚王登聯

各賜謚廕子

刑

部議吳明烜罪旨從寬責四十板

戶部等

衙門題為請復存留錢糧以杜私派以安民

生事戶部尚書郝惟訥侍郎艾元徵嚴正矩

遵旨陳奏康熙七年酌省存留一案在議者

以度支勿給一裁減而所得寔多殊不知我

朝定鼎以來屢經裁汰見在所存之數萬難

再減且地方費用不足勢必仍派諸民貪污
之輩藉口橫加民財愈盡矣即如進表朝覲
以及鄉飲科場等款皆係大典修理城垣倉
庫製造軍器火藥等款皆係要務至於教官
馬匹草料一裁則寒羶有步行之苦鋪兵塘
馬工食一裁則負役有枵腹之悲孤貧獄囚
口糧一裁則斃獨無以自存而有罪者不得

邈於法外。况各省存留糧錢。臣部俱核確
應用寔數。方准銷算。原未嘗任其冒破。則七
年議裁各款。似應於九年為始。照舊復其存
留。至於應裁白糧水腳。改徵漕糧折色一款。
請勅總漕等。確查有無累民。可否久行。據寔
具題可也。又刑部尚書朱之弼題為請復存留
錢糧。以惠民生。事。生民疾苦大事。莫過于康

熙七年酌省存留錢糧一案。夫存留錢糧原
留為地方之用。裁一分則少一分。地方官事
不容已。不得不又派之民間。且不肖有司。因
以為利。是又重增無限之苦累矣。乞勅部察
核。康熙七年以前存留數目。仍令存留。則百
姓可免重派之累。又御史連國輔題請復裁
減各項必需之錢糧。以培國本。以甦民累事。

臣伏見康熙七年戶部裁減各項錢糧內有
必不容裁減者如道學考生員歲季考等銀
舉人進士盤費區坊等銀此朝廷作養人材
之需也如鄉飲酒席此優禮耆老之需也如
修理城垣此未雨綢繆之需也他如各官薪
俸紙張由卑造冊併看守監倉及鋪兵工食
等項無一非必需之費一旦悉為裁減不知

既無錢糧動支。又無別項設處。勢必科派民財。以充費用。嗟以空三空四盡之餘。何堪此額外誅求乎。乞勅部確查議覆。奉旨。該戶部議奏。臣等查直隸各省原額存留銀共一千六十九萬三千八十五兩零。除驛站河夫漕銀四百一十四萬一百三十三兩。寔原額存留銀六百五十五萬二千九百五十二兩零。

向因兵餉不敷通共裁過銀三百一十六萬
五千三百四十六兩零尚存銀三百三十八
萬七千六百六兩零又於康熙七年裁銀一
百七十四萬四千三百六十九兩零止寔在
存留銀一百六十四萬三千二百三十七兩
零各省除荒之數俱在此內臣等會議其康
熙七年所裁各款自九年為始復其存留旨

依議其白糧水脚每石八錢并經費等項照
舊全留又漕米內改折稂子米十五萬石不
便改折應仍舊八月康親王等議覆南懷
仁等呈告楊光先依附鰲拜捏詞陷人將歷
代所用之洪範五行稱為滅蠻經致李祖白
等各官正法授引吳明烜疏奏授官誣告湯
若望謀反情罪重大應擬斬湯若望復通微

教師之名得旨楊光先年老姑從寬免其天
主教除南懷仁等照常自行外恐直省復立
堂入教仍着嚴行禁止九月甲子寅時京
師地震有聲山東邱縣孝子王祚昌刲股
療父父病立起特旨給旌後不為例十月
以重修盧溝橋告成御製碑文十一月太
和殿清乾清宮告成御殿行慶賀禮

上由武英殿移居乾清宮。頒詔天下。恩款

十五條。康熙九年正月。復過必隆公爵。

二月。諭刑部盜案內。論死者甚多。其為誣
引株連。亦或有之。宜加詳勘。至於夾棍。乃慘
痛之刑。必不得已而後用。其慎之毋忽。諭
刑部。流徒尚陽堡。寧古塔罪人。衣絮單薄。凍
斃於路。甚為可憫。自今十月至正月。及六月。

俱勿遣。五月加上

孝康慈和皇太后為章皇后祔

太廟。

康熙十年五月給事中姚文然言江南百姓
群集鼓聽保留總督麻勒吉且云麻勒吉自
被鎖拿顏黑面削臣竊思官列大僚免冠帶
鎖愧辱難堪乞特恩寬其鎖繫至於所犯事

情審有寔據。自有應得之罪。旨說得是。以後
官員犯罪。鎖禁鎖拿。著永行停止。六月甲午。
金星晝見。以故靖南王耿繼茂子。和碩額
駙。耿精忠襲爵。十二月。召翰林院掌院學
士。傅達禮。至懋勤殿。諭曰。翰林院起居注職
任重大。關係機密。朕以爾才品優卓。寔可信
任。故行簡用。爾其勉。以副朕意。

康熙十一年八月王大臣等議覆御史孟熊
飛疏言孫可望係張獻忠餘黨擾亂邊陲後
為李定國所敗窮蹙乞降前有重大之罪後
無纖微之勞我國家格外殊恩授以義王顯
爵及伊身死已襲替二次今孫徵淳身故若
仍令再襲則後此世世冒濫無已請停其襲
替或降封應如所請降授義公得旨公止一義

字於例不合著再議降為幕義公。十二月。

召講官等至懋勤殿諭曰漢官中有請令言官以風聞言事者朕思忠愛之言切中事理患其不多若不肖之徒借端生事假公濟私人主不察必至傾害善良擾亂國政為害甚鉅又諭曰從來與民休息道在不擾與其多一事不如省一事朕觀前代君臣每多好大

喜功勞民傷財紊亂舊章虛耗元氣上下訐
嚚民生日蹙深為可鑒

康熙十二年三月

上諭弘德殿諭講官曰從來民生不遂由於
吏治不清長吏清則百姓自安矣天下善事
俱是分所當為近見有寸長片善便自矜誇
是好名也又曰有治人無治法但真能任事

者亦難得朕觀人臣必先心術次才學心術
不善縱有才學何用平南王尚可喜疏請
歸老遼東得旨嘉獎官兵家口作何遷移安
插著會議七月平西王吳三桂疏請撤藩

得旨嘉獎官兵家口作何遷移安插著會議
靖南王耿精忠疏請撤藩旨如前諭講

官曰朕或出郊外或幸南苑翰林官員遠離家

鄉京城毫無資產。危從不免艱苦。嗣後所用

帳房一切應用物料件。酌定數目。由內府給

與。八月。差禮部左侍郎折爾肯。傅達禮往

雲南。戶部尚書梁清標往廣東。吏部侍郎陳

一炳往福建。經理各撤藩兵起行事宜。九

月乙亥。京師地震。十二月。差往貴州。脩辦

夫船。粵糧事務。郎中党務禮。員外郎薩穆哈。

馳驛回京奏稱雲貴總督甘文焜言吳三桂
於十一月二十一日殺雲撫朱國治以所部
兵反前差往侍郎折爾肯等被留

上召議政大臣等諭曰吳三桂已反荊州乃

咽喉要地著前鋒統領碩岱帶每佐領前鋒

一名兼程前往保守荊州以固軍民之心並

進據常德以遏賊勢其陸續續發遣發大兵往

所剿之處著速議。川湖督蔡毓榮疏報吳
三桂反，偽稱天下都招討兵馬大元帥。以明
年甲寅為周王元年。元貴州提督李本深叛，
應之。前差往主事辛珠筆帖式薩爾徒不屈
死。總督甘文焄聞變，將十餘騎出貴陽府至
鎮遠，守將應賊圍之。文焄自殺。巡撫曹申吉
降賊。賊逼鎮遠，漸入楚境。停撤平南靖南

二藩召梁清標陳一炳還。奸民楊起隆詐

稱朱三太子，糾黨謀叛，約於京城內外放火
舉事。官兵往捕，拿獲其黨陳益數百人。楊起
隆逃去。命多羅順承郡王勒爾錦為寧南
靖寇大將軍，總統多羅貝勒索尼、都統覺羅
朱滿、鄂內伯宜理布、覺羅巴爾布等同往湖

拿禁吳三桂子吳應熊。詔削三桂爵，宣

諭雲貴官員軍民。命都統赫業為西安將軍。同將軍瓦爾達等由漢中入蜀護軍統領吳禮布為副將軍同往。

康熙十三年正月遣都統覺羅巴爾布護軍統領伊爾度齊額司泰率護軍驍騎先赴荊州。命擴爾坤移駐西安。湖廣督蔡毓榮報賊兵已抵清浪衛逼沅州請大兵馳救令

提督桑峨疾馳赴沅協守。諭兵部近聞京城小民驚恐欲於城外西山處所遷移逃避殊非朕撫安百姓之至意。前令緝獲假稱朱三之楊起隆與良民毫無干預並無驅逐居民移居城外之事。即昨暫閉城內因有人舉首楊起隆潛藏大臣之家故行嚴緝非有他故。爾百姓勿妄聽惡言致生疑畏宜各安生。

業如平時爾部通行曉諭

勒爾錦業赫師

行改鄂善雲貴總督駐湖廣協剿蔡毓

榮報賊於十二月廿九日陷沅州總兵崔世

祿被執澧辰路梗上命順承郡王發驍騎

馳赴荊州命都統尼雅翰為鎮南將軍領

德等處駐防滿兵鎮兗州副都統馬哈達席

布恭贊軍務侍衛夸塞自荊州馳還奏偏

沅巡撫盧震棄長沙奔岳州命都統朱濬領
兵速赴武昌令江寧將軍額楚鎮海將軍
王之鼎各遣兵防守安慶並勅尼雅翰速抵
安慶總統諸師馬哈達隨往江寧四川巡
撫羅森提督鄭蛟麟總兵譚宏吳之茂等以
四川叛降賊命總兵徐治都還守彝陵以
席卜臣為鎮西將軍與副都統巴哈德業立

守西安、援進川大兵、以趙國祚為江西提督、王承警為河南提督、命副都統擴爾坤帥師赴漢中、二月、

太皇太后出宮中、銀幣犒軍、偽總兵楊寶應犯常德、其父原任提督楊遇明為內應、知府翁應兆從逆、常德潰、以周有德總督四川、張德地巡撫四川、賊犯澧州、守卒以城

叛提督桑峨等退保荊州。

以湖拜為雲南

提督趙賴為貴州提督。

湖南報長沙副將

黃正卿等以城叛降賊。

命都統朱滿馳守

岳州。申諭大將軍等嚴禁兵士侵擾百姓。

授刑部尚書莫洛為大學士。經畧陝西以

陝西、西控番回、南通巴蜀、恐吳三桂煽亂人

心搖惑故也。

廣西督金光祖報廣西將軍

孫延齡反

自稱安遠大將軍

殺都統王永年副都統

孟一茂等執巡撫馬雄鎮幽之

三月三桂

偽將劉之復陶繼智等犯彝陵

額思恭傳

順

承郡王遣護軍統領額司等泰擊敗之賊遁

回宜都

以華善為安南將軍鎮京口

抗

州將軍圖喇報耿精忠反福建總督范承謨

罵賊不屈賊幽之巡撫劉秉政降賊

鄖陽

巴特魯特字直星
固字原不保

副將洪福以所部叛提督佟國瑤擊敗之
襄陽總兵楊來嘉據穀城叛以內大臣希
爾根為定南將軍尚書哈爾哈齊副之統兵
赴江西以討耿精忠護軍統領桑遏吏部侍
郎覺羅舒恕副都統根特巴特魯席布叅其
軍又以武昌有警命都統覺羅巴爾布護軍
統領伊爾度齊率師赴武昌西安將軍瓦

爾喀等敗吳逆偽總兵葉某克復陽平關。
四月奉使雲南禮部侍郎折爾肯翰林院學
士傅達禮還至武昌携有吳三貴桂奏章。

上諭王將軍等益加警備仍招致之。賊
將陶繼智復犯彝陵都統鄂內擊敗之。調
西安副都統德業立隨征總兵馬雲程高登
科守襄陽。以喇哈達為鎮東將軍統兵鎮

袁字似是充字

世字似是延字

州副都統伯穆赫林甘度海叅贊軍務
建盧震論死吳三桂子應熊孫世霖伏誅
福建告急副都統胡圖馬哈達率兵赴杭
州下詔削孫世齡職尚可喜執吳三桂
使人逆書奏聞以阿璘達為揚威將軍鎮
江寧以賴塔為平南將軍統兵赴杭州討
耿精忠潮州總兵劉進忠以城叛降精忠

與績順公沈瑞兵巷戰遂引賊兵入城尚

可喜奏吳三桂遣賊二萬屯黃沙河恐與孫

逆合請兵以根特巴圖魯為平寇將軍討

孫延齡河北總兵蔡祿謨叛與楊來嘉通

阿塞達擒以伏誅下詔削耿精忠爵詔

以分遣禁旅調度情形示平南王尚可喜曰

今寧南寇大將軍順承郡王率大兵軍由常

澧進平雲貴鎮南將軍尼雅翰都統朱滿巴
爾布等帥師由武昌水陸進取岳州長沙直
入廣西都統宜理布等帥師駐彝陵都統范
達禮等駐鄖襄安西將軍赫業等由漢中進
取四川副都統擴爾坤吳國楨等駐漢中鎮
西將軍席卜臣等駐西安復遣尚書莫洛經
畧三秦帥帥大兵居中調度鎮東將軍喇哈達

等於山東河南江南要地控制安南將軍華
善等於京口水陸駐防揚威將軍阿璘達等
防守江寧安慶沿江險要平南將軍賴塔由
浙江平定福建浙江將軍圖喇駐杭州兼防
海疆定南將軍希爾根等六由江西平定福
建平寇將軍根特巴圖魯席布等往廣東會
王進剿一切機宜王共叅酌以行

五月皇后何舍里氏崩。安西將軍赫業等
自漢中抵七盤關，破賊於關口，及種子鋪山。
不進，抵朝天關，敗三桂偽總兵石存禮於剗
閣鋪山下，克復朝天關。平陽兵變，執總兵
蔡朝佐以叛，與耿精忠偽將曾養性合圍瑞
安。命將軍賴塔等督兵討之。副都統德業
立大敗叛將洪福於武當山下。六月，遣郎

中周襄緒等奉詔往福建招諭耿精忠命

戶部侍郎達都赴浙江督理大兵糧餉授

多羅貝勒尚善為安遠靖寇大將軍帥師赴

岳州固山貝勒準達帥師赴荊州江西撫

董衛國報叛弁柯昇勾連閩逆竊踞廣信諸

處麻蓬地方賊兵繼起諭定南將軍希爾根

與根特巴圖魯等會剿之總兵祖宏勳以

溫州叛。耿精忠偽將李雲龍犯常山。開化。

金華副將弁大寅擊敗之。斬其偽參將張雄。

命將軍喇哈達鎮守杭州。孫延齡犯柳。

州。馬雄告急。詔尚可喜、金光祖發兵援之。

命將軍賴塔進取福建。以陳洪明巡撫廣西。

以和碩康親王傑書為奉命大將軍。統兵赴

浙江。多羅貝勒董額為定西大將軍。統兵赴

四川 冊謚

大行皇后曰仁孝皇后 浙江温州羅清羅
嚴太平諸營相繼叛詔將軍喇哈達調兵守
台寧 江西巡撫董衛國報耿逆遣賊李連
李太等犯建昌杉關官兵擊敗之 七月以
郎廷佐總督福建段應舉為隨征福建提督
叛將劉忠進遣其黨據程鄉縣官兵擊敗

之復其城。南遂總兵楊富謀通賊事覺伏
誅。時精忠陷石城聲犯寧都。命將軍希爾根
等嚴守贛州。以趙應奎充袁臨總兵防袁州。
精忠偽將閔標犯金華。將軍喇哈達遣副將
都統鄂申巴圖魯擒斬之。三桂偽將劉之
復犯宜都。副都統蘓虎濟等擊敗之。大將
軍勒爾錦遣貝勒察尼將軍尼雅翰等分水

陸進攻岳州，敗賊吳應麟於七里山。副都

統馬哈達雅塔理，敗賊於金華。浙督李之

芳報賊合力犯衢州。臣兵單可虞，命喇哈達

速赴衢州。四川督周有德報，偽總兵彭時

亨犯廣元。副將張登科等敗之。董衛國報，閩

賊犯寧都。遊擊周球等擊敗之。八月，遊擊

周球等復石城。江西饒州營兵變，李之

芳報都司姚世熙等大敗耿逆兵於衢州杜澤。
大洲等處又耿逆勾連土賊從處州逼金華。
副都統鄂申副將陳世凱擊敗之。命總督
蔡毓榮協剿湖南順承郡王嚴兵守荊州。
叛將劉進忠黨劉斌據普寧我兵進剿賊迎
敵被陷。知縣段藻閉門拒之復縣城。賴塔
報七月賊陷金華副都統喇哈等九戰皆捷。

復諸暨義烏二縣。李之芳報遊擊王世望
等敗賊於龍游。副將鮑虎復壽昌。李之芳
報新昌知縣陳大典殺賊全城。紹興知府李
宏勳守備吳良駿等敗賊於城外。賊遁犯仙
居。都司汪國祥敗之。命治歷法。南懷仁鑄
造輕利火礮。以助大軍進剿。海澄公黃梧
卒。子芳度偽降賊。募舊兵斬賊將劉豹等三

人固守漳城遣間使黃藍以聞且請速救詔
褒之令襲父爵以其兄侍衛芳世為隨征福
建總兵官令同尚可喜進剿護軍統領桑
遇等敗耿逆兵於撫州襄陽總兵劉成龍
下荆南道石琳率兵攻剿南漳縣天門寨賊
安撫各寨洞官兵復梧州總兵李榮剿
賊金華焚其木城副將鮑虎破賊五營復淳

安。賊圍黃巖甚急。又寧海象山新昌餘姚
四縣賊衆蜂起。請速救台州保寧海青著將
軍賴塔喇哈達商酌。飭隨營蒙古兵違法
掠民者罪死。江西官兵復萬年縣。浙江
副將鮑虎復遂安。叅將洪起元復嵯嶼縣。
命護軍統領桑遏移師駐袁州。

上諭王大臣聞岳州三面臨湖賊於陸路一

面凌濠築壘據守頗堅詔將軍尼雅翰移師
江西與副都統甘渡海等合兵自袁州進取
長沙夾攻岳州兩河堤工告竣加河道總督
王光裕兵部尚書銜李之芳報副都統胡
圖副將王廷梅敗賊於石渠大溝源總兵李
榮復東陽





